



Na osnovu odredbi člana 15. Zakona o principima lokalne samouprave Federacije Bosne i Hercegovine ("Službene novine Federacije Bosne i Hercegovine" broj: 49/06, 51/09), Općinski načelnik Općine Stari Grad Sarajevo raspisuje

### **Javni poziv - nagradni konkurs za izradu dizajna ilustracije Općine Stari Grad Sarajevo**

Općina Stari Grad Sarajevo raspisuje Javni Poziv – nagradni konkurs za izradu dizajna ilustracije Općine Stari Grad Sarajevo, s ciljem stvaranja prepoznatljive i trajne ilustracije Općine, za primjenu u poslovnoj korespondenciji i korištenje za promotivne aktivnosti.

Konkurs je otvoren za sve zainteresovane: profesionalne dizajnere, arhitekte, ilustratore, likovne umjetnike, kreativne timove i agencije, koji imaju bosanskohercegovačko državljanstvo i prijavljeno prebivalište u Kantonu Sarajevo, Bosna i Hercegovina.

#### Predmet konkursa

– Umjetničke usluge

#### Uslovi konkursa

- Prijavljeno rješenje dizajna ilustracije mora biti inovativan i originalan rad autora/ice
- Isti autor/ica može predložiti više rješenja (maksimalno tri)
- Prijedlog dizajna ilustracije treba biti kreativan i jedinstven
- **Iz prijedloga dizajna ilustracije treba biti jasno da je riječ o Općini Stari Grad Sarajevo.**

#### Kriteriji vrednovanja rješenja

- Autentičnost, kreativnost te profesionalna i savremena artikulacija rješenja utemeljena na kulturno/historijskom i prirodnom naslijeđu Općine Stari Grad.
- Funkcionalno, fleksibilno rješenje koje predstavlja jasnu dizajnersku ideju u kulturnom i turističkom smislu.
- Primjenjivost za više promotivnih aktivnosti
- Primjenjivost u različitim tradicionalnim i savremenim materijalima
- Razumljivost ciljnoj skupini (građani, domaći i strani partneri, turisti...)
- Prepoznatljivost unutar i van granica Bosne i Hercegovine

#### Prijavljeni rad treba sadržavati:

1. Znak/ilustraciju/logotip

– osnovne grafičke standarde znaka/ilustracije/logotipa (međusobni odnosi, umanjena i dr.)

2. Karakteristične boje i tipografije

– prikaz karakterističnih boja i tipografija



### 3. Tekstualno obrazloženje koncepta

Uz naprijed navedeno, uz prijavu se dostavlja i sljedeće:

- Ovjerenu izjavu o korištenju predloženog rješenja, odnosno da isto do sada nije objavljeno niti korišteno;
- Ovjerenu izjavu o autorstvu prijavljenog rješenja, odnosno izjavu da je podnosilac prijave jedini autor predloženog rješenja;
- Ovjerenu izjavu kojom se ovlašćuje Općina Stari Grad Sarajevo da dalje koristi predloženi dizajn ilustracije, ukoliko isti bude izabran, bez dalje naknade.

#### Način prijave na Javni poziv:

Poštom preporučeno ili putem službenog protokola Općine Stari Grad Sarajevo u zatvorenoj kovrti na adresu:

**Općina Stari Grad Sarajevo**  
**Zelenih beretki 4, sa naznakom**  
**Prijava za konkurs – dizajn ilustracije Općine Stari Grad Sarajevo,**  
**NE OTVARATI!**

Svojim potpisom prijavljeni potvrđuju autorstvo konkursnog rada, čime garantuju da su ovlašteni za predaju istog i da posjeduju ovlasti daljnjeg korištenja i izmjene konkursnog rada, te potvrđuju da, prema uslovima konkursa, imaju pravo sudjelovanja i da su saglasni s eventualnom dodjelom ugovora za daljnju razradu konkursnog rada.

Konkursne radove treba predati u digitalnom zapisu (prezentacija u pdf formatu te pojedinačne vizualizacije u jpg formatu) na USB s priloženim štampanim kolor fotografijama/ispisima A4 formata.

U slučaju da prijavljeni šalje više od jednog konkursnog rada, potrebno je svaki od njih odvojeno poslati i pripremiti prema pravilima konkursa.

Nepotpune i neblagovremene prijave neće se uzeti u razmatranje.

#### Rokovi

Rok za prijavu na konkurs je 25.04.2024. godine do 16:00 sati.

Sva pitanja vezana uz konkurs mogu se postaviti elektronskim putem, slanjem upita na sljedeću adresu: [info@starigrad.ba](mailto:info@starigrad.ba). Odgovori na pitanja poslat će se u najkraćem mogućem roku na adrese onih koji su pitanja postavili.

#### Nagrade

Ukupni fond za nagradu iznosi **300,00 KM**, za izabrano rješenje.

#### Objava rezultata

Sudionici konkursa o rezultatima odabira bit će obaviješteni pismenim putem, po objavi rezultata od strane Komisije. Komisija za konkurs objavit će rezultate najkasnije u roku od 15 (petanest) dana od dana zatvaranja Javnog poziva.

Ime nagrađenih autora/ica i nagrađeni rad bit će objavljen na web stranici Općine Stari Grad.



### Uslovi korištenja logotipa

Ilustracija predstavljat će Općinu Stari Grad Sarajevo, a svojom vizualnom komunikacijom će promovirati Stari Grad.

Sva autorska prava nagrađenog grafičkog rješenja po ovom konkursu sporazumno se prenose na Općinu Stari Grad Sarajevo sklapanjem autorskog Ugovora između Općine i autora/ice, kojim će biti definisano da se autor/ica slaže se da neće imati daljih autorskih potraživanja prema Općini Stari Grad Sarajevo.

Općina Stari Grad zadržava pravo na doradu odabrane ilustracije u saradnji s autorom/icom.

Sklapanjem Autorskog ugovora definirat će se uslovi i rokovi isplate iznosa novčane nagrade, shodno uvjetima ovog Javnog poziva.

Općina Stari Grad Sarajevo zadržava pravo da među pristiglim radovima na konkurs ne izabere pobjednički rad i poništi konkurs, ukoliko Komisija za odabir ocijeni da niti jedan rad ne zadovoljava zadane kriterije.

Sudjelovanjem na konkursu autor/ica pristaje na sve navedene uvjete.

### Ostale napomene

Svim pristiglim kovertama sa radovima, Komisija za konkurs će dodijeliti šifre pod kojima će se radovi voditi tokom ocjenjivanja. Učesnici konkursa su dužni držati svoj rad anonimnim sve do objave rezultata konkursa.

Svi učesnici Konkursa, članovi komisije i svi drugi koji su poslovno vezani za realizaciju konkursa, obavezni su čuvati tajnost svih podataka i informacija vezanih za ovaj konkurs.

Uposlenici Općine Stari Grad Sarajevo i članovi njihovih porodica nemaju pravo sudjelovanja u ovom konkursu.

Prijavljeni radovi nakon završetka konkursa postaju arhivska dokumentacija i ne vraćaju se prijavljenima, s napomenom da isti neće biti korišteni u druge svrhe.

Broj: 09-45-3256/24

Datum: 05.04.2024. godine

OPĆINSKI NAČELNIK

Irfan Čengić